



KENYATAAN MEDIA

YB TUAN VIDYANANTHAN A/L RAMANADHAN

**PENGERUSI JAWATANKUASA KESIHATAN DAN ALAM SEKITAR NEGERI
JOHOR**

PERLUASAN INISIATIF VAKSINASI WALK-IN DI NEGERI JOHOR

1. Program Imunisasi Covid-19 Kebangsaan (PICK) yang telah dilancarkan di Negeri Johor pada 1 Mac 2021, kini telah sampai ke fasa akhir. Objektif utama program PICK untuk menghasilkan tahap imuniti berkelompok (herd immunity) di kalangan penduduk dewasa berumur 18 tahun ke atas, yang dianggarkan seramai 2.71 juta orang di Negeri Johor, dijangka akan dicapai pada penghujung bulan Oktober. Bagi tujuan tersebut juga, suntikan dos pertama harus mencapai 100% menjelang pertengahan September.
2. Sehingga 3 September 2021, Negeri Johor telah dapat mencapai **82.0%** tahap liputan dos 1 (2,224,784 orang) dan **51.5%** liputan lengkap dos 2 (1,396,010 orang). Bagi mencapai sasaran pertengahan September bagi lengkap dos 1, inisiatif vaksinasi '*walk-in*' telah dimulakan pada pertengahan bulan Ogos, melalui program-program Pusat Pemberian Vaksin (PPV) Mobile, bagi memberi ruang kepada warga tempatan yang masih belum mendaftar melalui MySejahtera, khususnya di lokasi pedalaman.

3. Terkini, inisiatif vaksinasi walk-in akan diperluaskan di beberapa daerah di Negeri Johor. Daerah yang dipilih telah dapat memenuhi sasaran vaksin warga tempatan yang berdaftar di dalam MySejahtera dan kini dilihat sebagai usaha '*mopping up*' sebelum dibuka sepenuhnya program PICK kepada pihak warga asing di industri. Ia juga dibuka kepada sesiapa yang telah tercicir mendapatkan dos kedua, atas sebab-sebab tertentu. Bagi mereka ini, sekiranya jenis vaksin tidak sama dengan dos 1, mereka akan diberi temujanji baharu.

4. Pemberian vaksin secara walk-in in dijalankan dalam masa 8.30 am hingga 4.30 pm. Senarai daerah yang terlibat dan tarikh yang terlibat adalah seperti di bawah:

- **Daerah Kulai**

- a. PPV Dewan Raya Bandar Putra 3.9.2021
- b. PPV Mobile Felda Bukit Batu 2.9.2021
- c. PPV Mobile Kg Melayu 4.9.2021

- **Daerah Segamat**

- a. PPV Dewan Serbaguna Jalan Genuang 4-9.9.2021
- b. PPV Dewan Serbaguna Taman Yayasan 4-9.9.2021
- c. PPV Dewan Serbaguna Labis 4-9.9.2021

- **Daerah Tangkak**

- a. PPV Dewan Kolej Kemahiran Tinggi Mara, Ledang 5.9.2021

- **Daerah Muar**

- a. PPV Dewan Jubli Intan Muar 9-15.9.2021

- **Daerah Batu Pahat**

- a. PPV Dewan Jubli Intan, Batu Pahat 6.9.2021
- b. PPV Dewan Terbuka Taman Hajjat, Parit Bilal Tongkang Pechah
5.9.2021
- c. PPV Dewan Makmur, Rengit 6.9.2021

- d. PPV Dewan Serbaguna Sri Sulong 7.9,2021
- e. PPV Dewan Orang Ramai Parit Raja 8-9.9.2021

- **Daerah Pontian**

- a. PPV Dewan Jubli Intan Pontian 2-10.9.2021
- b. PPV Dewan Serbaguna Benut 2-10.9.2021
- c. PPV Dewan Tunku Ibrahim Ismail, Pekan Nanas 2-10.9.2021
- d. PPV Dewan Perpat Timbul, Serkat 4.9.2021
- e. PPV KK Kayu Ara Pasong 4.9.2021

- **Daerah Mersing**

- a. PPV Dewan Jubli Intan Mersing 13.9.2021
- b. PPV Politeknik Mersing 7-9.9.2021

- **Daerah Kluang**

- a. PPV Dewan Muafakat Simpang Renggam 5-9.9.2021

5. Ingin diingatkan inisiatif ini adalah untuk melengkapkan vaksinasi warga tempatan yang berumur 18 tahun dan ke atas, di lokasi penempatan masing-masing. Dengan itu, tidak digalakkan sesiapa merentas daerah untuk berusaha mendapat vaksinasi di lokasi-lokasi tersebut. Anda masih berpeluang mendapat vaksinasi dalam masa terdekat dengan hanya mendaftarkan diri melalui MySejahtera. Kesemua PPV sedia ada di lokasi lain masih melaksanakan program PICK secara aktif di lokasi anda.

6. Warga asing juga tidak digalakkan menghadirkan diri ke lokasi *walk-in* ini. Peluang mendapat vaksinasi masih tinggi sekiranya anda berdaftar di MySejahtera

7. Pihak kerajaan Negeri Johor juga memohon agar orang ramai mematuhi prosedur operasi standard (*SOP*) dan memberi kerjasama kepada petugas PPV ketika

hadir untuk mendapatkan vaksinasi secara *walk-in* bagi mengelakkan penularan jangkitan Covid-19 dan memastikan kelancaran proses vaksinasi.

8. Masyarakat tempatan tidak perlu bimbang sekiranya vaksin telah habis di akhir hari. Temujanji baharu akan diberikan dan anda akan diutamakan. Dengan itu tidak perlu tergesa-gesa untuk mengejar peluang. SEMUA AKAN DAPAT.

INGAT ! COVID-19 MASIH BERSAMA KITA! DAPATKAN VAKSINASI , PATUHI SOP

4 SEPTEMBER 2021

TAMAT